



Broj: 01/5-50-1-6-25/08
Sarajevo, 15.12.2008.godine

Z A P I S N I K
25. sjednice Komisije za saobraćaj i komunikacije,
održane 15.12. 2008. godine

Sjednica je održana 15.12.2008., s početkom u 9,10 sati.

Sjednici su prisustvovali članovi Komisije: Branko Dokić, Šemsudin Mehmedović, Savo Erić, Sadik Bahtić, Husein Nanić, Selim Bešlagić i Mehmed Suljkanović.
Odsustvovao je Slavko Matić.

Iz Ministarstva komunikacija i prometa BiH sjednici su prisustvovali: Božidar Škravan, savjetnik ministra, i Kojo Koprivica, pomoćnik ministra. Sjednici je prisustvovao i sekretar Komisije za saobraćaj i komunikacije Ahmed Jalovičić.

Sjednicom je predsjedavao Branko Dokić, predsjedavajući Komisije.

Za sjednicu je predložen sljedeći

D N E V N I R E D

1. Usvajanje Zapisnika 24. sjednice Komisije;
2. Prijedlog zakona o Agenciji za razvoj informacionog društva BiH (ZARID), predlagač: Vijeće ministara BiH (druga komisijska faza);
3. Tekuća pitanja.

Dnevni red usvojen je jednoglasno.

Ad. 1. Usvajanje Zapisnika 24. sjednice Komisije

Zapisnik 24. sjednice usvojen je jednoglasno, bez primjedbi.

Ad. 2. Prijedlog zakona o Agenciji za razvoj informacionog društva BiH (ZARID), predlagač: Vijeće ministara BiH (druga komisijska faza)

Branko Dokić podsjetio je da je na prošloj sjednici Komisije saobraćaj i komunikacije Predstavničkog doma (u daljnjem tekstu: Komisija) odgođeno izjašnjavanje o Prijedlog zakona o Agenciji za razvoj informacionog društva BiH (ZARID) (u daljnjem tekstu: Prijedlog zakona), jer su predstavnici Ministarstva komunikacija i prometa BiH istakli da zbog većeg broja uloženi amandmana nisu imali dovoljno vremena da se odrede prema njima, te da je neophodno da izvrše dodatne konsultacije u vezi s pojedinim amandmanima.

Božidar Škravan ukazao je da su u Ministarstvu komunikacija i prometa BiH održali sastanak na kojem su razmatrali amandmane na Prijedlog zakona i konstatirali da je najveći broj amandmana prihvatljiv za Ministarstvo, te da predloženim amandmanima nisu umanjene snaga i kompetencije Prijedloga zakona. Podsjetio je da se Bosna i Hercegovina kao članica Pakta stabilnosti u Beogradu 2002. godine obavezala da će uspostaviti agenciju za informaciono društvo na državnom nivou, te da je krajnje vrijeme da se Prijedlog zakona usvoji.

Nakon rasprave, Komisija se izjasnila o amandmanima kako slijedi:

AMANDMAN I.

Naziv Zakona mijenja se i glasi: „Zakon o Agenciji za informaciono društvo Bosne i Hercegovine.“
(usvojen jednoglasno)

AMANDMAN II.

U članu 1. riječi: „ razvoj informacionog društva“ zamjenjuju se riječima: „informaciono društvo“.
(usvojen jednoglasno)

AMANDMAN III.

U članu 2. iza tačke e) dodaju se tačke f),g) i h):

f) Institucije Bosne i Hercegovine; državni organi Bosne i Hercegovine, uprave i upravne organizacije, javna preduzeća i druge ustanove na državnom nivou;

g) Informatizacija: set aktivnosti kojim se tehnološki, upotrebom IKT-a, unapređuju poslovni procesi, procesi odlučivanja i sveobuhvatan rad određenog pravnog i/ili poslovnog subjekta.

h) državna uprava: organi državne uprave koje osniva Parlamentarna skupština BiH.
(nije usvojen s pet glasova „protiv“ i dva glasa „za“)

AMANDMAN IV.

Član 3. mijenja se i glasi:

“Agencija je zadužena za razvoj i promociju informacionog društva u Bosni i Hercegovini (u daljnjem tekstu: BiH).“

(nije usvojen s četiri glasa „protiv“ i tri glasa „za“)

AMANDMAN V.

U članu 6. vrše se sljedeće izmjene i dopune:

- stav (1) mijenja se i glasi: „Sjedište Agencije odredit će Vijeće ministara BiH rukovodeći se kriterijem entitetsko-regionalne ravnomjerne raspodjele sjedišta institucija BiH“;

-u stavu (3) iza riječi "prijedlog" dodaje se riječ "Vijeća".

(usvojen s pet glasova „za“, jednim „protiv“ i jednim „suzdržanim“)

AMANDMAN VI.

Član 7. mijenja se i glasi:

(1) „Sredstva potrebna za finansiranje rada Agencije osiguravaju se iz budžeta institucija Bosne i Hercegovine i međunarodnih obaveza Bosne i Hercegovine (u daljnjem tekstu: budžet).“

(nije usvojen s pet glasova „protiv“ i dva glasa „za“).

AMANDMAN VII.

U članu 8. u stavu (1) vrše se sljedeće izmjene i dopune:

- u tački a) riječi: "Reklamne uloge" zamjenjuju se riječju "Promocijom“;
 - u tački b) riječi: "Politike i Strategije" pisati malim početnim slovom;
 - tačke c) i d) mijenjaju se i spajaju u tačku c) koja glasi:
c) „priprema operativnih sektorskih planova i realizacije akcionog plana razvoja informacionog društva u institucijama BiH“;
- Dosadašnja tačka e) postaje tačka d), tačka f) postaje tačka e) i tako redom.
- u tački p) riječi "pri provođenju" brišu se;
 - tačka r) mijenja se i glasi:“ Saradnja sa svjetskim institucijama za informaciono društvo“.
 - u tački t) riječi: "osnovnih i proširenih" i riječ "...e-vlade" brišu se, dodaje se riječ „elektronskih“ ispred riječi „servisa“ a na kraju teksta dodaju se riječi: „ na državnom nivou“.
- (usvojen jednoglasno)

AMANDMAN VIII.

U članu 8. stav (1) tačka e) i tačka n) u stavu (3) mijenjaju se i spajaju u tačku n) stav (2) istog člana i glasi:
n) koordinacija i verifikacija aktivnosti na strateškim projektima za razvoj informaciono-komunikacione infrastrukture na državnom nivou.

(nije usvojen s četiri glasa „protiv“, dva glasa „za“ i jednim „suzdržanim“)

AMANDMAN IX.

U članu 8. stav (1) tačka f) briše se.

(nije usvojen s pet glasova „protiv“ i dva glasa „za“)

AMANDMAN X.

U članu 8. stav (1) tačke i) i j) brišu se.

(nije usvojen s pet glasova „protiv“ i dva glasa „za“)

AMANDMAN XI.

U članu 8. stav (1) u tački k) brišu se riječi: "formiranje i koordinacija rada Foruma za razvoj elektronske uprave", a na kraju se iza zagrada dodaju riječi: "na državnom nivou".

(nije usvojen s četiri glasa „protiv“ i tri glasa „za“)

AMANDMAN XII.

U članu 8. u stavu (1) tačke g), l), m), o) i s) brišu se.

U istom članu u stavu (2) tačka k) briše se.

(nije usvojen s pet glasova „protiv“ i dva glasa „za“)

AMANDMAN XIII.

U članu 8. stav (1) u tački n) umjesto riječi: "...tehnologija informacionog društva", treba da stoji:
"INFORMACIONO-KOMUNIKACIONIH TEHNOLOGIJA".

(nije usvojen s četiri glasa „protiv“ i tri glasa „za“)

AMANDMAN XIV.

U članu 8. stav (2) na kraju tačke a) dodaju se riječi: „ZA ORGANE DRŽAVNE UPRAVE I DRUGE INSTITUCIJE BiH“.

(nije usvojen s pet glasova „protiv“ i dva glasa „za“)

AMANDMAN XV.

U članu 8. stav (2) u tački e) iza riječi: "i evidencija" dodaju se riječi: „na državnom nivou“.
(nije usvojen s pet glasova „protiv“ i dva glasa „za“)

AMANDMAN XVI.

U članu 8. stav (2) u tački g) umjesto riječi "...koordinacija", treba da stoji riječ „STRUČNE“, a na kraju tačke dodaju se riječi: „NA DRŽAVNOM NIVOU“.
(nije usvojen s pet glasova „protiv“, jednim glasom „za“ i jednim „suzdržanim“)

AMANDMAN XVII.

U članu 8. stav (2) tačka j) mijenja se i glasi:

j) „pružanje stručne i tehnološke pomoći Vijeću ministara BiH u okviru borbe protiv visokotehnološkog kriminala i piraterije, ako drugim zakonom nije drugačije riješeno“.
(nije usvojen s pet glasova „protiv“ i dva glasa „za“)

AMANDMAN XVIII.

U članu 8. u stavu (2) vrše se sljedeće dopune:

- u tački d) na kraju teksta dodaju se riječi: „na državnom nivou“
- u tački f) na kraju teksta dodaju se riječi: „na državnom nivou“.
(usvojen jednoglasno)

AMANDMAN XIX.

U članu 8. u stavu (2) tačka c) postaje tačka d) u stavu (3) istog člana, a u istom članu u stavu (3) tačka j) postaje tačka c) stava (2).

U članu 8. u stavu (3) dosadašnje tačke d) i j) brišu se.
(usvojen jednoglasno)

AMANDMAN XX.

U članu 8. u stavu (3) vrše se sljedeće izmjene i dopune:

- u stavu (3) iza riječi: "za standardizaciju" riječi: "i koordinaciju" brišu se.
- u tački c) iza riječi: "u nadležnosti" dodaje se riječ „pojedinih“, a iza riječi "ministarstava" dodaju se riječi: „u Vijeću ministara“, a riječi: "institucija i tijela" zamjenjuju se riječima: „i drugih institucija BiH“.
- u tačkama h) i j) iza riječi: "i drugih organa", dodaje se riječ „državne“.
- tačke: d), f), g), i), i l) brišu se.
(usvojen jednoglasno)

AMANDMAN XXI.

U članu 8. stav (4) mijenja se i glasi:

„ Agencija daje podršku praćenju razvoja informacionog društva BiH, a ima sljedeća ovlaštenja:

a) saraduje i razmjenjuje podatke s institucijama koje rade na poslovima praćenja razvoja informacionog društva u BiH i učestvuje u prikupljanju i obradi podataka kroz koje se generiraju indikatori razvoja informacionog društva BiH;

b) promovira razvoj informacionog društva u BiH u saradnji s nadležnim entitetskim organima kroz prezentaciju zajedničkih statističkih analiza i indikatora iz ove oblasti;

- c) učestvuje u izradi i realizaciji strateških planova i programa na razvoju informacionog društva u Bosni i Hercegovini, u svojstvu predstavnika Vijeća ministara BiH i institucija Bosne i Hercegovine i saradnji s nadležnim entitetskim organima;
- d) pruža stručnu i tehničku pomoć Vijeću ministara BiH po pitanju razvoja informacionog društva i informatičkih projekata;
- e) osmišljava, planira i realizira projekte koji doprinose informatizaciji institucija Bosne i Hercegovine i visokotehnološkom unapređenju njihovog rada.“
- (nije usvojen s pet glasova „protiv“ i dva glasa „za“)

AMANDMAN XXII.

Člana 11. mijenja se i glasi:

- "(1) Agencija ima Vijeće, koje učestvuje u formuliranju strateških pitanja provođenja zakona, konsultira se s direktorom i prima od njega informacije. Vijeće Agencije (u daljnjem tekstu: Vijeće) daje mišljenje o kodeksu rada Agencije.
- (2) Vijeće ima sedam članova koji se kandidiraju na osnovu svojih ličnih sposobnosti kao pojedinci koji imaju pravno, ekonomsko, tehničko ili drugo relevantno iskustvo i priznati su stručnjaci u oblasti IKT. Vijeće ima po dva člana iz konstitutivnih naroda i jednog člana iz reda ostalih.
- (3) Članovi Vijeća imenuju se na mandat od četiri godine i mogu biti ponovo imenovani samo na još jedan mandat. Članovi Vijeća između sebe biraju predsjedavajućeg. Vijeće se sastaje najmanje jednom mjesečno.
- (4) Direktor Agencije, njegov zamjenik i predsjedavajući Vijeća moraju biti iz različitih konstitutivnih naroda.
- (5) Direktor Agencije podnosi informaciju Vijeću o strateškim pitanjima rada Agencije. Direktor Agencije prisustvuje svim sastancima Vijeća.“
- (usvojen s pet glasova „za“ i dva glasa „protiv“)

AMANDMAN XXIII.

U članu 12. stav (3) mijenja i glasi:

- “ Članove Vijeća imenuje Vijeće ministara BiH, na osnovu liste kandidata, koju nakon provedene procedure javnog poziva utvrdi Ministarstvo komunikacija i prometa BiH. Lista mora sadržavati veći broj kandidata od broja članova Vijeća koji se imenuju.“
- (nije usvojen s pet glasova „protiv“ i dva glasa „za“)

AMANDMAN XXIV.

U članu 15. u stavu (3) iza riječi „agencije“ riječ "godišnje" briše se.

U istom članu dodaje se novi stav (4) koji glasi:

- „Mandat predsjedavajućeg traje četiri godine bez mogućnosti ponovnog imenovanja“.
- (usvojen jednoglasno)

AMANDMAN XXV.

U članu 18. vrše se sljedeće izmjene i dopune:

- u stavu (1) iza riječi: "direktor Agencije" stavlja se tačka, a ostatak teksta briše se.

- iza stava (1) dodaje se novi stav (2) koji glasi:

„ Direktor ima jednog zamjenika.“

U nastavku teksta zamjenik direktora navodi se u jednini.

Dosadašnji stav (2) postaje stav (3) a stav (3) postaje stav (4).

Iza stava (4) dodaje se novi stav (5) koji glasi:

„ Osim općih uslova utvrđenih zakonom, direktor i zamjenik direktora moraju imati:

- a) visoku stručnu spremu – elektrotehnički ili drugi tehnički fakultet sa usmjerenjem računarske tehnike ili informatike;
 - b) iskustvo u oblasti razvoja informacionog društva;
 - c) iskustvo u međunarodnim odnosima u oblasti informacionog društva ili informacionih i komunikacionih tehnologija;
 - d) pet godina radnog iskustva na rukovodećim poslovima u oblasti informacionih i komunikacionih tehnologija;
 - f) znanje engleskog jezika."
- (usvojen jednoglasno)

AMANDMAN XXVI.

U članu 19. vrše se sljedeće izmjene i dopune:

- u stavu (1) u tački a) iza riječi „rukovodi“ brišu se zarez i riječi: "u saradnji sa zamjenicima" .
 - u stavu (1) u tački c) riječi: „da Agencija posluje u skladu s ovim i posebnim zakonima" zamjenjuju se riječima: "zakonitost rada Agencije".
 - u stavu (1) u tački d) riječ „predlaže“ zamjenjuje se riječju „donosi“
 - u stavu (1) tačka g) briše se.
 - u stavu (1) u tački g) riječi "priprema i " brišu.
 - u stavu (2) riječ "zamjenici" zamjenjuje se riječju "zamjenik", riječ "pomažu" riječju "pomaže", a riječ "mogu" riječju "može".
 - u stavu (3) iza riječi "ovlašćuje" riječi: "jednog od" brišu se.
- (usvojen jednoglasno)

AMANDMAN XXVII.

U članu 22. u stavu (1) riječi: „prema zakonima, propisima i standradima BiH i međunarodnim standardima i to najkasnije dvije godine nakon osnivanje Agencije“ zamjenjuju se riječima: "u skladu sa BAS EN ISO 9001".

(usvojen jednoglasno)

Komisija za saobraćaj i komunikacija je, „sa šest glasova „za“ i jednim „protiv“, prihvatila tekst Prijedloga zakona sa usvojenim amandmanima, te predlaže Predstavničkom domu da usvoji Prijedlog zakona o Agenciji za razvoj informacionog društva BiH (ZARID).

U smislu odredbi člana 113. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Branko Dokić.

Ad. 3. Tekuća pitanja

Branko Dokić ukazao je da je prošle sedmice učestvovao na Konferenciji pod nazivom „Tranzicija iz analogne u digitalnu televiziju“, koja je održana u Moskvi, te da je, posredstvom Ambasade Bosne i Hercegovine, ostvario kontakt s predsjedavajućim Komisije za transport Ruske Dume, koji je iskazao zainteresiranost članova ove komisije da posjete Parlamentarnu skupštinu BiH, odnosno Komisiju za saobraćaj i komunikacije, te da glavna tema razgovora bude transport plina. Predložio je da se uputi poziv Komisiji za transport Ruske Dume za radnu posjetu Parlamentarnoj skupštini BiH u toku 2009. godine. Prijedlog je jednoglasno prihvaćen.

Kako nije bilo drugih pitanja, predsjedavajući je zaključio sjednicu u 10 sati.

SEKRETAR KOMISIJE
Ahmed Jalovičić

PREDSJEDAVALAJUĆI KOMISIJE
dr. Branko Dokić

